



Tefriga uwo shunu?

Kan aanna gi wonusu gali gi amulu tefriga le zol, manatu gi amulu umon batal awu gi zulumu umon ashan siffa shaksiya al umon indi al gonun rudu gali zol bi agder kun indu. De bi hasil ze fi mahalat ta shokol, fi madaris awu kan aanna biyu haja awu kan gedimu le aanna kidma.

Bel asaf, daiman gi hakimuna be juzu ta gisim tomon awu be hawiya tomon, bidal ma bi ainu zol ka haja wahid. Fi Viktoriya, aanna indi gonun al gi hami nas min shikil zulum de, al gi amulu le nas de.

Gonun bi agder hami ana kefi?

Gonun Fursa al Mutusawa 2010 (Equal Opportunity Act 2010) ta Viktoriya gi kutu amulu ta tefriga le zol be sabab ta wahid min siffat shaksiya al hami del momnu. Aanna bi agder hilu shokuwat ta tefriga.

Siffat al Hami

Siffat al hami be gonunu umon:

- Umur
- eb fi gisim
- Nashat ta shokol
- Hawiya ta ginis
- Nashat sinaiya
- Nashat ta ginis al gonuni
- Hala ijtimaiya
- Shokol abu wu uma wu shokol adada
- Shikil ta zol
- Mutakadat awu nashat siyasiya
- Himil wu rada jena
- Mihna wu tijara
- Ginis
- Ginis
- Siffat ginis
- Tawaju ginisi
- Guwad fi sijin ashan jerima al zol amulu
- Geni ma zol al indi awu al fekiru gali indi wahid min siffat shaksiya del

Mahalat ta haya al amma al hami

Tefriga uwo ma gonuni kan uwo hasil fi mahal ta haya al amma. Mahalat de umon beshmil:

- Mahalat ta nas ajusin wu al fi maash gi geni fogo
- Bunuk wu serikat ta taamin
- Nawadi
- Mahalat ta shokol



- Mahalat ta raaya sihiya, mustesfat wu ayadat
- Hotelat, mahalat ta mukeyimat wu mahalat ta ijar
- Hakuma mahaliya
- Bolis, mahkamat wu masali hakumiya
- Sujun wu islahiyat
- Madaris, maahid, wu jamaat
- Dukakin, mataim, wu nawadi
- Muwasalat
- Tatawa

Nas al shakalin fi mahalat del indi mosuliya ta akidu indi ma bi amulu le ita tefriga.

Tefriga fi mahal shokol

Hasab Gonun ta Fursa al Mutusawa, siyadu shokol indi mosuliya mujib ta teeru tefriga bara min munazama tomon ze ma umon bi agder.

Munazamat lazim kede kutu shakafa al sihi fi mahal shokol tomon ashan bi manna tefriga ashan kede hasil, wu kaman shilu katuwat al bi damin innu bi asumau shokuwat al amulu be sura wu be teriga munasib.

De beshmil kulu munazamat, al kubar wu al sukerin wu gi kati kulu anuwa ta muwozifin.

- Nas al sabitu fi shokol, nas al lisa ma sabitu fi shokol, wu nas al shakalin delepeyi.
- Wukala wu muwozifin al shakalin be kontrak
- Nas al lisa gi deribu shokol

Wu gi tabigu le kulu marhalat ta shokol:

- taayin fi shokolat wu tejnid
- rija wara fi shokol baad awugu, ayan awu himil
- rofudu min shokol wu tekshif

Anuwa barau barau ta tefriga

1. Tefriga Mubashir

Tefriga mumkin bi kun mubashir awu geir Mubashir. Anuwa ta tefriga del kulu ma gonuni.

2. Tefriga Mubashir

De gi hasil kan zolumu wahid be sabab ta siffa shaksiya ze al katifu fi keshif al fog inak de. De daiman gi hasil ashan fikra al galat al gali nas al indi siffat shaksiya muayan bi agder awu ma bi agder amulu haja muayan.

Masalan, Gorji (George) gedimu le shokol fi sherika mugowulat lakin ma shilu uwo fi shokol de. Zaman uwo asalu gali malu ma azilu uwo le shokol de, kelimu le Gorji gali,

“Aanna shilu nas min beled taki fi shokol gubal kida. Itakun kulu ma gi sharik fi no ta aklak ta shokol al aanna indi de.

3. Tefriga geir mubashir

De gi hasil fi hala al gi talabu zol ashan kede amulu haja al bara min talabat al afrud bi talabu, awu gi wodi surut awu mumarasat al bi assir ma zol be sabab ta siffat shaksiya tou/tomon.

Masalan, Sherika gi kutu kulu muwozifin tou ashan bi bada shokol fi saa 6 saba. De gi zahir ze gi amulu nas kulu sawa, lakin uwo mumkin bi assir be muwozifin al der ainu wara iyaal, kan talab de ma talab al maagul, uwo bi kun tefriga al geir mubashir.

Hal fi ayi istisnaat le gonun de?

Fi istisnaat suwiya le Gonun Fursa al Mutusawa de bi mana amulu tefriga le nas ma haja al did gonuni if halat tanin. Masalan, tefriga ma did gonun kan fi kutura hagiga le saha ta zol, amana awu mumtalakat. Agara ziyada an istisnaat ([exceptions](#)) del.

Ita bi agder amulu [shokuwa](#) le aanna, awu zol tani barau bi agder amulu sokuwa bidal ita. Fetisu kan aanna bi agder saadu nas [hilu shokuwat](#) kefi.

Aanna kaman bi agder wodi le ita moulumat an hugug taki. Dugu le aanna telefun fi nimra telefun **1300 292 153** awu kan ita der muterjim: **1300 152 494**.